

(ciep banj 9)

Haj, Laebcaez Aen Dijhi Ceiheleix Hungzgvanh Ginghci

Hungzgvanh diuzgung gohyoz、cwngfuj ceiheleix mizyauq, dwg langh ok gijndei aen dijci yiengh hawciengz ginghci sevei cujyi itdingh aeu baenzneix guh. Itdingh aeu laebndei gij cidu dijhi hungzgvanh diuzgung, gyroebgyonj doihaeuj gaijgwz caizsui、ginhyungz doengh gij lingjyiz youqgaenj neix, hawj gij byaijiengq hungzgvanh cwngcwz engqgya doxdoengz.

(16) Laebndei aen dijhi guekgya canloz gveihva caeuq aen gihci doengbuenz hezdiuz cwngcwz. Cauhlaeb aen gihci ceiqrindingh caeuq saedhengz gij canloz guekgya, gyarengz hawj gij canloz hungnaek guekgya yungzhab haeujlaeg, gyaak aeu canloz guekgya guh hungzgvanh dazyinx、doengbuenz hezdiuz. Laebcaez aen cidu dijhi hengzgguh aen gveihva guekgya ginghci sevei hwngfat, gyaak aen gihci ciepe ndei doek ndei gveihva, hawj gij fazcanj gveihva guekgya ndaej langh ok yiengh cozyung dazyinx daengxbuenz, gyaak gij cozyung yiengh giekdae gveihva gyanghoeng diegguek, dem’ak gij cozyung cengjdaemx oklaeng saedhengz aen gveihva cienhangh caeuq aen gveihva ranghdieg. Laebcaez aen cidu lauxhangz caeuqfaenh gunghgung gezcwz.

Hopheux hengzgguh gij fazcanj gveihva、aen canloz hungnaek guekgya coi hawj doengh gij cwngcwz caizcwng、hobi、canjnieb、gyagwz、counhiebae gapdoengz okrengz, hawj gak loih swhyenz demlai boiqceiq bienq ndei caeuq diuzcingj aen gapgyaq swhyenz gaenq miz. Damqra saedhengz hungzgvanh bae guenjeleix aen biuj swhcanj dawzcaiq guekgya. Dawz gij cwngcwz ginghci nem gij cwngcwz mbouj nangq ginghci haenx cungj nab bae bingzguj de caeuq hungzgvanh cwngcwz byaijiengq doengz mbouj doengz. Laebcaez aen gihci guenjeleix yawhgeiz. Laebcaez aen dijhi haedsuenq gij ceijbiu doengjgeiq cengjdaemx yiengh hwngfat caetliengh sang, gyalai aen gvaengx ginghci moq lingjyiz moq nabhaeuj doengjgeiq. Gyarengz youq gij danhvei guh canjnieb de dwk giek guh doengjgeiq, gaijndei gij banhfap cungjbu caeuq gihgou faennga guh doengjgeiq, cugbough doigvangq youq giz dieg aen cawjdae guh ginghyingz de doengjgeiq. Laebcaez aen gihci hungzgvanh cwngcwz caeuq guek wng dox boiqhab.

(17)Gyalaeg gaijgwz aen diji caizsuiq. Laebcaez aen cidu yawhsuenq, gyaak daengxbuenz couzveh caizcwng swhyenz caeuq yawhsuenq, dawz gij souhaeuj doenggvaq gienzlig hingzcwng、saenqyungh cwngfuj、swhyenz swhcanj guekmiz aeundaej haenx cienzbouh nabhaeuj yawhsuenq cwngfuj bae guenj. Laebndei aen cidu bingzggyaq gij ginghyingz yawhsuenq caeuq cikyauq swhbwnj guekmiz, lai roengzrengz bae baujhawj miz cienz guh gij hongsaeh canloz hungnaek guekgya caeuq coengh beksingq gwn imq daenj raeuj. Gyarengz hungzgvanh cijdauj gij hong bienguh yawhsuenq caeuq caizcwng cwngcwz. Gyarengz guenjeleix gij cikyauq yiengh fugsah vunzlai caezcaemh, lai youq saehgonq sien bingzguj gij goengnaengz de. Gyalaeg gaijgwz gij yawhsuenq mbouj miz soqgiek. Dungjyiz gij gienz faenboiq yawhsuenq, engqgya dungjyiz、

gveihfan bae guenj yawhsuenq, laebndei aen cidu goenghai yawhsuenq. Laebndei aen cidu baugau hongsaeh caizvu gyroebhab cwngfuj dwg gienz cwz gaenq dingh haenx.

Laebcaez gij cidu sougvaeh ndeileih yiengh hwngfat caetliengh sang、ndawbiengz goengbingz、hawciengz doengzcaemh, gaijndei gij gezgou suici. Yenzgiu gij cidu sougvaeh caeuq yezdai moq doxhab haenx. Cienzmienh doekguh aen yenzcwz sougvaeh fapdingh, gveihfan gij cwngcwz sougvaeh hawj ndei, laebndei aen gihci haeujcoengh aen lingjyiz youqgaenj caeuq giz hothoh ceiq youqgaenj. Laebcaez aen dijhi gvaehsohsou, laebndei aen cidu goyinz sojdwzsui miz gyroebhab youh miz faenloih, gveihfan gij cwngcwz sougvaeh doenggvaq guhcanh aeundaej、swhbwnj aeundaej、caizcanj aeundaej, gyonjcomz doiq cienzhong sou cienzgvaeh. Gyalaeg gaijgwz gaiq hong sou guenj cienzgvaeh.

Laebhwnj gij yiengh caizcwng cunghyangh caeuq deihfueng aeu gienz hong cingcuj、caizlig doxha、ranghdieg bingzyaenx. Lai hawj deihfueng gag dawz cienz yungh cienz, haigvangq goekgvaeh deihfueng, habdangq gya’ gvangq gienzhanh hawj deihfueng guenjeleix cienzgvaeh. Laebndei aen dijhi caizcwng senjnod ceihawj, cingleix gveihfan gij senjnod ceihawj cienhangh, gyalai yiengh senjnod ceihawj baeznaengz, hawj gij caizlig si yienh caeuq saehgienz de engq doxboiq. Laebhwnj aen gihci youh coi youh hanh aeu yiengh hwngfat caetliengh sang bae senjnod ceihawj. Nod laeng cwngsou cienzgvaeh siufeiq caemhcai onjbouh veh roengz deihfueng bae, laebndei gij cwngcwz cwnghcizsui louz dingj doiq gvaeh caeuq diuzlien dinggaeu, gaijndei aen beijlaeh faenyungh gij cienzgvaeh caezyungh. Munaemj aeu yiengh gvaeh henhoh hwnqguh hawsingz、yiengh cienz bengxgya gyauyuz、yiengh cienz bengxgya gyauyuz deihfueng gyroebbaenz yiengh gvaeh bengxgya deihfueng, hawjgienz hawj deihfueng youq ndaw gvaengx hanhdingh ndeu doekdingh habyungh geijlai suiqlwd. Hableix gyadaih aen gvaengx yungh mbawcai cienhangh cwngfuj deihfueng, habdangq gyadaih gij lingjyiz、gveihmoz、beijlaeh yungh guh cienzgoek. Laebndei aen cidu guenjeleix ngaenzcai cwngfuj, laebhwnj aen dijhi gamcaek gamguenj sojmiz gij caiq deihfueng caeuq aen gihci ciengzgeiz mizyauq fuengzre vaqgej gij fungyiemj caiq ndumj, gyavaiaq aen bingzdaiz yungzsw h deihfueng gaijgwz cienjhingz. Gveihfan guenjeleix gij souhaeuj mbouj dwg cienzgvaeh, habdangq cuengq mbangj gij gienzhanh guenj yiengh souhaeuj mbouj dwg cienzgvaeh haenx roengz deihfueng bae, youz deihfueng gak giz gag ciuq saedsaeh bae guenj.

Habdangq gyaak gij saehgienz cunghyangh、daezsang aen beijlaeh cunghyangh caizcwng ceiok. Gij saehgienz cunghyangh caizcwng ciuq yenzcwz daeuj gangj doenggvaq gaep cunghyangh bae anbaiz ceiok, gemjnoix gij saehgienz cunghyangh caizcwng dakhawj deihfueng bang hengz haenx. Mbouj ndaej boihfanj gvidingh aeu deihfueng anbaiz gij cienz boiqdauq, saedcaih aeu dakhawj deihfueng hengzsawj saehgienz ne, cix doenggvaq yiengh senjnod ceihawj cienhangh bae anbaiz ngaenzcienz.

(18)Gyalaeg gaijgwz aen diji ginhyungz. Gyavaiaq laebndei aen cidu cunghyangh yinzhangz、

swnhdoeng aen gihci doenggvaq hobi cwngcwz cienzyinx. Lai guh ginhyungz gohgi、ginhyungz loegsaek、ginhyungz ndeidoh、ginhyungz ciengxlaux、ginhyungz soqcih, gyalai yungh yiengh ginhyungz ndei bae fugsah gij canloz hungnaek、aen lingjyiz youqgaenj、giz hothoh mbangnyieg. Laebndei gij dinghvi ginhyungz gihgou caeuq guhndei ceiheleix, laebcaez aen gihci youh coi youh hanh bae fugsah yiengh ginghci saeddae. Haiguh lai yiengh gujgenz yungzsw h, gyavaiaq hwngfat aen hawciengz caigen lai caengz, daezsang aen beijlaeh cigsoh yungzsw h. Gaijndei aen dijci guenjeleix yiengh swhbwnj ginhyungz guekmiz.

Laebcaez gij goengnaengz swhbwnj hawciengz douzsw h caeuq yungzsw h doxha haenx, fuengz fungyiemj、ak gamguenj, coihawj swhbwnj hawciengz cangqheiq onjdingh hwngfat. Haeujcoengh gij swhginh ciengzgeiz de douzhaeuj hawciengz. Daezsang gij caetliengh gunghsw h hwnjhaw, gyaak hengz aen cidu gamguenj gij gunghsw h hwnjhaw caeuq aen cidu nyenghdingh okhaw. Laebhwnj aen gihci ciengzgeiz mizyauq hawj swhbwnj hawciengz gag lai onjdingh. Laebcaez aen gihci gveihfan gij hingzveiz boux gujdungh hung、boux saedsaeh gaemhanh. Laebndei aen gihci youh coi youh hanh gij gunghsw h hwnjhaw faenhoengz. Laebcaez aen gihci baujhoh bouxdouzcienz. Nyoengx hawj gij gujgenz hawciengz ranghdieg ndaej gveihcwz doiqciep、biucinj doengzcaemh.

Ceiqrindingh aen fap ginhyungz. Laebndei aen dijhi gamguenj ginhyungz, ciuqfap gamguenj gij yienghsaeh ginhyungz liuxliux, gaemndaet aen cidu gamguenj cwzyin caeuq cazdawz cwzyin, lai guh yiengh hong cunghyangh caeuq deihfueng dox boiqhab gamguenj. Hwnqguh gij sezsih giekdae ginhyungz ancienz rem’ak, dungjyiz gij gveihcwz caeuq cidu ginhyungz hawciengz daenghgeiq dakguenj、gietsuenq cingsuenq, laebhwnj aen cidu nyengh yaek hanhhaed youq geizcaeux niujcingq fungyiemj, cukmaenh aen dijhi baujhawj ginhyungz onjdingh ndaej mizyauq fuengzre gaemhanh gij fungyiemj baenzroix. Laebcaez aen gihci baujhoh boux guh ginhyungz siufeiq caeuq dwkceih gij yienghsaeh ginhyungz mbouj habfap, laebhwnj faj “ciengz refeiz” hawj canjnieb swhbwnj caeuq ginhyungz swhbwnj. Doinyoengx ginhyungz suibingz sang bae hailangh, onjbouh siujsim netsaed bae doi yinzminzbi dwk haeuj gozci, laebguh aen hawciengz yinzminzbi liz hamq haeuj guekrog bae. Onjdangq doihaeuj yenzfat caeuq lai yungh cungj yinzminzbi soqcih. Gyavaiaq hwnqguh Sanghaij baenz aen ginhyungz cungsim lajmbwn.

Laebndei aen vunqsik guenjeleix gaiq hong youq cinjhaeuj gaxgonq hawj yiengh dakdaih caeuq ndawguek douzsw h doxdoengz gya mbawdan gimq haeuj, haeujcoengh doengh aen vaisw h gihgou hab diuzgen de caeuqfaenh sawq guh gij yezvu ginhyungz. Onjbouh siujsim gya’ gvangq ginh-yungz hawciengz doxlien doxdoeng, gaijndei aen cidu bouxdouzsw h rog guek habgek. Doihaeuj hwnqguh aen dijhi hamj gyaiq ceihawj ndaej gag gaemhanh, gyaak hengz aen gihci youq mwh hailangh bauj ginhyungz ancienz. Laebhwnj aen dijhi doengzcaemh gamguenj sojmiz gij caiq yiemq guekrog haenx. Lilai caeuqfaenh ceiheleix ginh-yungz gozci.

(cienj banj 11)